

**1255-1255- OFP - Acta Capitulum Generalium Mediolani Celebrati**

In nomine patris. et filii. et spiritus sancti. Amen.

Acta capituli generalis Mediolani celebrati  
anno Domini · M° · CC° · LV° ·

**Confirmamus** has constituciones. In capitulo de sollempni celebratione capituli. ubi dicitur. et si accusant de auditu. vel visu. addatur. accusacio autem unius tantum. ad capitulum generale. vel provinciale; non mittatur. et tractatus eorum que mittenda sunt ad capitulum. ultra · i · diem. non prolongetur. Et hec habet · iii · capitula.

Item hanc. In eodem capitulo. ubi dicitur. cum autem · iiiia · feria post penthecosten. deleatur · iiiia · feria. et ponatur · iia · in fine vero eiusdem capituli. ubi dicitur. in feria · iia · post penthecosten. deleatur. in feria · iia · et dicatur. in vigilia penthecostes. Et hec habet · iii · capitula.

Item hanc. In capitulo de electione magistri. ubi dicitur. qui postquam fuerint congregati in secunda feria. deleatur. in secunda feria. et dicatur. in vigilia penthecostes. Et hec habet · iii · capitula.

Item hanc. In capitulo de capitulo provinciali. ubi dicitur. et predicatorum generales. addatur. predicatorum autem generales dicimus; qui per priorem provinciam. et diffinitores provincialis capituli; fuerint in-stituti. Et hec habet · iii · capitula.

Item hanc. In capitulo De itinerantibus. in fine dicatur sic. quicumque autem prior provincialis sine licencia magistri. vel frater aliquis quicumque sine licencia magistri. vel prioris provincialis. archiepiscopatum. vel episcopatum receperit. nisi per talem obedienciam cogatur. quod transgrediendo peccaret mortaliter; ipsum statuto praesenti. societate. suffragiis. ac omnibus beneficiis ordinis. tam in morte. quam in vita privamus. Et hec habet · iii · capitula.

Item hanc. In eodem capitulo. in fine dicatur. fratres ordinis nostri. episcopis. vel aliis quibuscumque personis extra ordinem assignatos. qui in ieiuniis. et abstinentiis. victu. et vestitu. statuta ordinis non servant; suffragiis. et beneficiis ordinis tam in vita quam in morte; privamus. quousque super huiusmodi excessu. adeo digne satisfecerint; quod per magistrum ordinis. vel provinciam suam. ad huiusmodi suffragia; restitui mereantur. Et hec habet · iii · capitula.

Item hanc. In eodem capitulo. ubi dicitur. in quacumque provincia fratres itinerantes deliquerint. prior provincialis. vel conventualis. etc. addatur. seu eorum vicarii. supprior. visitator. etc. Et hec habet · iii · capitula.

Item hanc. In capitulo de capitulo provinciali. ubi dicitur. accusacioni vero et correctioni. professi post triennium poterunt interesse. addatur. infra vero idem tempus. fratres alii non admittantur in conventibus. ad discussionem eorum. que ad capitulum generale. vel provinciale sunt mittenda. Et hec habet · iii · capitula.

Item hanc. In capitulo de visitoribus. ubi dicitur. referre debent capitulo generali. vel provinciali. deleatur illud. capitulo generali. et dicatur sic. diffinitoribus capituli provincialis. vel generalis. cum in sua provincia celebratur. Et hec habet · iii · capitula.

Item hanc. In capitulo De itinerantibus. ubi dicitur. depositarii esse possunt. deleatur illud. depositarii esse possunt. (dispen) et dicatur sic. nec exteriorum deposita recipiant nisi librorum. aut paramentorum ecclesiasticorum. Et hec habet · iii · capitula.

Item hanc. In capitulo de graviore culpa. ubi dicitur. nisi ita religiose conversatus fuerit. quod generale. vel provinciale capitulum. deleatur quod dicitur. generale vel provinciale capitulum. usque illuc. si vero etc. et dicatur sic. quod per diffinitores generalis vel provincialis capituli; illuc reversurus iudicetur. Et hec habet · iii · capitula.

Similiter in eadem rubrica ubi dicitur. capitulo generali. vel provinciali significetur. deleatur hoc totum. et dicatur. diffinitoribus generalis vel provincialis capituli significetur.

Similiter in capitulo de apostatis. ubi dicitur. nisi per provinciale capitulum cum eo fuerit dispensatum. deleatur hoc et dicatur sic. nisi per diffinitores provin-cialis capituli. cum eo fuerit dispensatum.

Similiter in fine eiusdem capituli. deleatur hoc quod dicitur ibi. nisi per generale vel provinciale capitulum fuerit restitutus. et dicatur. nisi per diffinitores generalis. vel provincialis capituli. fuerit [restitutus]. Et hec habet · iii · capitula.

Item. In capitulo de silencio. in fine addatur. si quis tamen inter duo capitula sepcies silencium fregerit; in uno prandio sedeat in terra. Et hec habet · iii · capitula.

Approbamus has. In capitulo de officio ecclesie. ubi dicitur. totum officium tam diurnum. quam nocturnum. addatur. secundum ordinationem et correctionem. venerabilis patris nostri fratris Hymberti magistri ordinis confirmamus. Et hec habet · ii · capitula.

Item hanc. In capitulo de studentibus. in fine addatur. nulla scripta facta. vel compilata a fratribus. aliquatenus publicentur; nisi per fratres peritos. quibus magister vel prior provincialis commiserit; diligenter fuerint examinata. Et hec habet · ii · capitula.

Item hanc. In capitulo de graviore culpa in fine ad-datur. Caveat autem quilibet frater. ne proclamet aliquem in capitulo de crimine. nisi possit probare. quod si accusatus negaverit. et accusans in probatione defecerit; secundum exigentiam culpe. gravius puniatur. ne autem vicia occultentur; prelo suo denunciaret quid viderit. vel audierit. [Et hec habet · ii · capitula.]

Item hanc. In capitulo de electione magistri. ubi dicitur. mortuo igitur magistro. vel a magisterio remoto. deleatur totum quod sequitur. usque ad illud. quod si non omnes. etc. et dicatur sic. mortuo igitur magistro vel a magisterio remoto prior provincialis in cuius provincia. precedens generale capitulum proximo fuerat celebratum; vicem magistri optineat. quousque magister sit electus. quod si dictum vicarium infra tempus sue vicarie. mori vel aliquo casu amoveri a prioratu contigerit. prior provincialis. in cuius provincia. precedens generale capitulum fuerat celebratum; vices predictas optineat. et sic deinceps. donec ordo magistrum habeat. Et hec habet · ii · capitula.

Item hanc. In eodem capitulo. ubi dicitur. statui-mus. ut si ante festum sancti Michaelis. deleatur. festum sancti Michaelis. et dicatur. nativitatem sancti Iohannis Baptiste. Et hec habet · ii · capitula.

Item hanc. In capitulo de electione diffinitorum. po-natur in fine. fratres qui in uno anno electi fuerint diffinitores capituli provincialis; sequenti anno. ad idem officium non eligantur. Idem dicimus de diffinitoribus capituli generalis. Et hec habet · ii · capitula.

Item hanc. In capitulo de visitoribus. in fine capi-tuli ubi dicitur. in visitatores nullatenus eligantur. ad-datur. quod si aliquis visitor. antequam visitet. in priorem fuerit electus et confirmatus. vel mortuus; provideat prior provincialis de alio fratre. qui visitet loco eius. Et hec habet · ii · capitula.

Item hanc. In capitulo de inclinacionibus. ubi dicitur. ad credo in missa. addatur. ad. ex Maria virgine; et homo factus est. Et hec habet · ii · capitula.

Item hanc. In eodem capitulo. ubi dicitur. et graciaram actione. addatur. et inclinamus solum ad pater noster. et ad oracionem. retribuere. Et hec habet · ii · capitula.

Item hanc. In capitulo de professione. ubi dicitur. deo et beate Marie. addatur. et beato Dominico. Et hec habet · ii · capitula.

Item hanc. In capitulo de suffragiis mortuorum. ubi dicitur. idem fiat per totum ordinem pro diffinitore capituli generalis et socio eius. addatur. et electoribus magistri et socio prioris provincialis euntis ad capitulum generale. si aliquem eorum. etc. Et hec habet · ii · capitula.

**Inchoamus** has. In capitulo de recipiendis. ubi dicitur. tempus probationis assignetur. addatur. ut et ipsi austeritates ordinis. et fratres mores experiantur eorum. et deleatur totum quod sequitur. probationis vero etc. usque ad illum locum. nullus recipiatur.

Item hanc. In capitulo de suffragiis mortuorum. post illud. et conversi. · c · pater noster dicant. addatur. quilibet autem conventus ordinis. pro fratribus tocuis ordinis defunctis; · xiii · missas celebret singulis annis. et deleatur quod dicitur in eodem capitulo. et quilibet conventus · i · missam in communi.

Item hanc. In capitulo de silencio. ubi dicitur. seu etiam regum; addatur. et magistri ordinis.

Item hanc. In eodem capitulo. ubi dicitur. absque dispensacione. deleatur illud. absque dispensacione. et in fine post illud. exceptis infirmis decumbentibus. addatur. super hac pena. nullus preter magistrum. et priores provinciales; poterit dispensare.

Item hanc. In capitulo de lectis. ubi dicitur. lectoribus tamen secundum discrecionem priorum provideatur. addatur. infra clausuram dormitorii.

Item hanc. In capitulo de electione prioris conventualis. ubi dicitur. fratres autem post annum professionis sue. deleatur illud. professionis sue. et dicatur. a professione sua.

Item hanc. In capitulo de domibus concedendis. post illud ubi dicitur. ut cura seu custodia monialium. seu quarumlibet aliarum mulierum. nostris fratribus committatur. addatur. sub eadem districtione prohibemus. ne magister. vel capitulum aliquod curam monialium. seu quarumlibet aliarum mulierum recipiat. nisi per tria capitula fuerit approbatum.

Item hanc. In capitulo de electione diffinitorum. post illud. socius competens a priore provinciali et diffinitoribus assignetur. addatur. quod si supersedeatur illo anno a capitulo generali; qui in sequenti capitulo provinciali fuerit electus; sit generalis capituli diffinitor.

Item hanc. In capitulo de studentibus. post illud. quilibet prior provincialis habeat potestatem mittendi duos fratres ydoneos. ad studium. addatur. quod si in aliqua dictarum provinciarum. non inveniatur lector sufficiens pro tali studio. magister ordinis. de lectore provideat competenti.

Item. In capitulo de conversis. ubi dicitur. sicut tu nice. addatur. sed similis coloris capis clericorum. Admonemus. ne priores provinciales. propriam cameram habeant ad iacendum.

Item. Lectores qui officium lectoris actu non exercent; proprias cameras non habeant. nec etiam carnes contra formam scriptam in constitutionibus comedant. Lectores etiam actu legentes. carnes non comedant; nisi ex causa rationabili.

Item. Provideant priores. quod fratres sine personarum acceptione vestiantur. Item. Licencias de braccis portandis revocamus. Item. Caveant priores provinciales. ne electiones factas de prioribus conventualibus sine causa rationabili repellant. vel reddant se notabiles in mutando fratres instante electione.

Item. Monemus priores et visitatores. ut constitutionem de non portanda pecunia in via; arctius faciant observari.

Item. Caveant priores. ne in festis sanctorum nostrorum in domibus nostris faciant operari.

Item. Priores. fratres itinerantes caritative recipiant. et potissime illos qui sunt de alienis provinciis. et secundum exigenciam et necessitatem vie eis in suis necessitatibus provideant.

Item. Fratres qui scribunt. vel dictant literas. mittendas capitulo generali; breviter et succincte scribant. ne propter prolixitatem literarum; capitulum in aliis negociis impediatur. nomina eciam sua. et conventuum. et provinciarum suarum; plene exprimant in literis quas scribunt magistro vel capitulo.

Item. Fratres qui sciunt. vel scient in antea aliqua miracula pertinencia ad beatum Dominicum. vel beatum Petrum. que non sunt scripta. priori Bononiensi scribant; pertinencia ad beatum Dominicum. priori vero Mediolanensi; pertinencia ad beatum Petrum. et illi habeant curam redigendi in scriptis; ad perpetuam memoriam.

Item. Quicumque frater scit. vel audivit auditu digno fide aliquod miraculum. seu visionem. seu aliquod factum edificatorium dignum memoria in ordine contigisse. aut occasione ordinis ab inicio. scribat magistro illud. ut per eius diligenciam huiusmodi in scriptis redigantur ad utilitatem futurorum.

Item. Dispensacio in ieiuniis. non fiat cum toto conventu. Item. Provideant priores provinciales. quod conversi qui recipiuntur a sororibus commissis ordini; non portent alium habitum. sed habitum fratrum nostrorum conversorum.

Item. Priores. seu fratres qui non possunt pedites ire ad capitulum; remaneant.

Item. Inhibemus prioribus provincialibus. et diffinitoribus capitulorum provincialium. ne in provinciis. ubi tot sunt predicatorum generales. quot conventus. et medietas amplius; plures ad dictum officium assumant. donec per magistrum et diffinitores capituli generalis vel aliud (!) fuerit dispensatum vel ordinatum.

Item. Magister ordinis inhybet. ne aliquis prior dispenset in constitutionibus de non eundo ad curiam sine licencia eius. revocans licencias. si quas dedit alicui.

**Absolvimus** priorem provinciam Lombardie. Et relinquimus absolucionem priorum conventualium provincie Lombardie; diffinitoribus capituli provincialis.

Item. Illis qui duxerunt garciones ad capitulum cum expensis contra formam constitutionum; iniungimus · iii · dies in pane et aqua. et · iii · disciplinas.

**Concedimus** provincie Francie · i · domum ponendam apud Matisconam. si visum fuerit priori provinciali; et diffinitoribus capituli provincialis.

Item. Provincie Romane · i · ponendam apud Aquilam; secundum eundem modum.

Item. Provincie Lombardie; · i ·

Item. Provincie Dacie; · ii ·

Sequens capitulum generale; assignamus Parisius.

Magister dat licenciam omnibus fratribus clericis. quod a minori excommunicatione; invicem se absolvant.

Item. Absolvit tam presentes quam absentes; a pena silentii. volens et rogans ut de cetero diligencius illud servent.

Actis additae sunt tres litterae magistri ordinis; cf. app. nn. V, VI, VII.